

Ս. Տ. Ալիխանյան

ՊԱՅՔԱՐ ԱԼԵՔՍԱՆԴՐԱՊՈԼԻ ՊՍՅՄԱՆԱԳՐԻ ՎԵՐԱՑՄԱՆ ԵՎ ԱԼԵՔՍԱՆԴՐԱՊՈԼԻ ԱԶԱՅԱԳՐՄԱՆ ՀԱՄԱՐ

Թուրքիայի քեմալական կառավարությունը Հայաստանում սովետական իշխանության հաղթանակից անմիջապես հետո ղրժելով Հայաստանի վերաբերյալ ՌՍՖՍՌ-ի կառավարության արած բոլոր հայտարարություններն ու հավաստումները, հրաժարվեց վերանայել Ալեքսանդրապոլի նվաստացուցիչ պայմանագիրը, փորձում էր այն պարտադրել Սովետական Հայաստանին, և մինչև Ալեքսանդրապոլի ազատագրումը օկուպացված շրջաններում շարունակում էր բնաջնջման ու կոլոպուտի հին քաղաքականությունը՝ նոր պատրվակներով:

Այս հարցերի լուսաբանումը այժմ անհրաժեշտ է այն պատճառով, որ մեր պատմական գրականության մեջ, հատկապես Վ. Գուրկո-Կրժաժինի, Մ. Պավլովիչի, Ա. Միլերի, Ի. Արալովի, Ս. Կուզնեցովայի տարածում և ճանաչում գտած աշխատություններում իդեալականացվում է քեմալիզմը, չի բացահայտվում նրա շուրջնիստական, աղբյուրի քաղաքականությունը մյուս ժողովուրդների և, հատկապես, հայ ժողովրդի նկատմամբ, ցույց չի տրվում կոմունիստական պարտիայի ու սովետական կառավարության պայքարը քեմալականների թշնամական, աղբյուրի գործողությունների դեմ:

Սույն հոդվածի նպատակն է համառոտակի լուսաբանել կոմունիստական պարտիայի ու սովետական կառավարության մղած պայքարը Ալեքսանդրապոլի պայմանագրի վերացման և Ալեքսանդրապոլի ազատագրման համար:

Հայաստանը սովետական ռեսպուբլիկա հռչակելուց հետո նրա առաջնահերթ խնդիրներից մեկը դարձավ դաշնակների տապալված կառավարության կողմից Թուրքիայի հետ 1920 թ. դեկտեմբերի 2-ին Ալեքսանդրապոլում կնքված ստրկացուցիչ պայմանագրի չեղյալ հայտարարելը և Թուրքիայի հետ նոր, արդարացի հաշտության պայմանագիր կնքելը:

Հայաստանի ռազմա-ոկուպացիոն կոմիտեն, արտահայտելով հայ ժողովրդի իդեներն ու ձգտումները, 1920 թ. նոյեմբերի 29-ին՝ Հայաստանի սովետական ռեսպուբլիկա հռչակելու առթիվ հրատարակած իր դեկլարացիայում կոչ էր անում հարևան յուրոր ժողովուրդներին ու նրանց կառավարություններին, այդ թվում նաև Թուրք ժողովրդին ու քեմալական կառավարությանը, վերջ տալ թշնամանքի և ազգամիջյան պատերազմների քաղաքականությանը, բոլոր վիճելի հարցերին տալ խաղաղ ու արդարացի լուծում, հիմք դնել բարիդրացիական հարաբերություններին:

Անդրադառնալով Թուրքիայի ու Հայաստանի միջև կնքվելիք հաշտության պայմանագրին և վիճելի տերիտորիաների կարգավորման հարցին, Ռեկոմն իր դեկլարացիայում անկեղծ սպասումներով գրում էր. «Ոչ թե հաղթողի սուրն է թելադրելու խորհրդային Հայաստանի ու աշխատավորական Տաճկաստանի»:

միջև կառնալիք հաշտության պայմանները, այլ խորհրդային Հայաստանի ու աշխատավորական Տաճկաստանի ազատ ժողովուրդների եղբայրական համերաշխությունն ու համաձայնությունը»¹:

Հայաստանի Ռեկոմեր այս նույն ոգով ողջունի հեռագիր է հղում Թուրքիա ի քեմալական կառավարությանը և վստահություն հայտնում, որ վերջինս կգազարեցնի հաշտության բանակցությունները դաշնակների պատվիրակության հետ և ղեկավարացիաում շարադրված հիմունքներով հաշտության բանակցություններ կսկսի Հայաստանի սովետական կառավարության հետ:

ՌԿ(Բ)Պ կենտկոմի կովկասյան բյուրոն Հայաստանի ռեկոմեր հանձնարարարում է ղեկավարացիան անմիջապես ուղարկել Անկարա, իսկ Թուրքիայի կառավարությանը դիմել ողջունի հեռագրով: Դեռևս Ռեկոմի Իջևանում եղած ժամանակ Օրջոնիկիձեն նոյեմբերի 29-ին ցուցում է տալիս Ավիսին կապ հաստատել Ալեքսանդրապոլի հետ, Մզիվանուն հայտնել Հայաստանում սովետական իշխանություն հաստատվելու մասին և դիմել Կարաբեքիրին, որպեսզի նա անհապաղ գազարեցնի հաշտության բանակցությունները խառնիսյանի պիսավորած պատվիրակության հետ: Այդ բանը Ավիսին չի հաջողվում ոչ նոյեմբերի 30-ին, ոչ ղեկտեմբերի 1-ին, Դեկտեմբերի 2-ին Օրջոնիկիձեն կրկին կապվում է Կասյանի հետ և հանձնարարում ղեկավարացիան շտապ ուղարկել քեմալական կառավարությանը: Այդ ժամանակ արդեն ստացված էր Կարաբեքիրի ողջունի կեղծ հեռագիրը, որտեղ նա «ողջունում էր» Կարմիր Բանակի մուտքը Հայաստան, խոստանում նրա հետ «ուս-ուսի, որպես դաշնակից բանակներ, մինչև վերջ մարտնչել համաշխարհային իմպերիալիզմի դեմ, հանուն աշխատավոր պրոլետարիատի բարօրության ու երջանկության»²:

Օրջոնիկիձեն Ռեկոմին խորհուրդ է տալիս ողջունի պատասխան հեռագիր ուղարկել քեմալական կառավարությանը, և պահանջել նախ՝ գազարեցնել բանակցությունները դաշնակցական տապալված կառավարության պատվիրակության հետ և ապա, նոր բանակցություններ սկսել Ռեկոմի հետ՝ Սովետական Ռուսաստանի միջնորդությամբ:

Նույն օրը Լեզրանը Երևանից կապվելով Դիլիջան՝ Ռեկոմի հետ, խնդիր է դնում շտապ մեկնել Երևան. «Խրադրությունը պահանջում է Ռեկոմի շտապ գալը, պետք է արտակարգ միջոցների դիմել Ալեքսանդրապոլում վարվող բանակցությունների առթիվ»³:

Այսպիսով, Օրջոնիկիձեն և Լեզրանը ամեն ինչ անում էին Ալեքսանդրապոլում դաշնակների և Թուրքիայի միջև պայմանագրի կնքումը կանխելու համար:

Բայց հակառակ իր «ռեկոլյուցիոն» հայտարարություններին, Հայաստանը մովետական Սոցիալիստական Ռեսպուբլիկա հռչակելուց 4 օր հետո Թուրքիան Ալեքսանդրապոլում դաշնակների հետ կնքեց հաշտության պայմանագիր:

Ալեքսանդրապոլի պայմանագրի ստորագրուցիչ կողմը ոչ միայն այն էր, որ Թուրքիան իրավական ուժ էր տալիս Հայաստանի տերիտորիաների բռնա-

¹ Հոկտեմբերյան սոցիալիստական մեծ ռեկոլյուցիան և սովետական իշխանության հաղթանակը Հայաստանում (փաստաթղթերի և նյութերի ժողովածու), Հայկ. ՍՍՌ գիտ. ակադ. հրատ., Երևան, 1960, էջ 405:

² Центральный Партийный Архив ИМЛ при ЦК КПСС ф. 85, оп. 14, д. 35.

³ ՄԼԻ-ի Հայկական ֆիլիալի արխիվ, ֆ. 33, ց. 2, գ. 1152:

շրջափոխումը, այլև գլխավորապես այն, որ Հայաստանը ռազմա-քաղաքական տեսակետից ենթարկվում էր Թուրքիային և միջազգային ոչ մի ինքնուրույն գործարք, առանց Թուրքիայի թույլտվության, նա չէր կարող կատարել որևէ պետութան հետ, Հայաստանի ամբողջ ներքին կյանքը և արտաքին հարաբերությունները, այսպիսով, ենթարկվելու էին Թուրքիայի հսկողությանը։ Թուրքիան իր վրա էր վերցրել Հայաստանի պետական-հասարակական կառուցվածքի դեմ ուղղված ներքին ամեն մի շարժում ճնշելու միսիան և արտաքին միջամտության դեմ պայքարի պատասխանատվությունը։ Այս կետը տվյալ պահին ամբողջովին ուղղված էր սովետական Ռուսաստանի դեմ։

«Թուրքիայի... կառավարությունը պարտավորվում է,— ասված էր պաժանագրում,— իր զինված օգնությունը տրամադրել Հայաստանին, երբ այդ պահանջի արտաքին կամ ներքին վտանգը և երբ Հայաստանի ռեսպուբլիկան գիմի իրեն հիշված խնդրանքով»⁴։ Այս կետն էլ հենց հիմք հանդիսացավ, որպեսզի դաշնակների փետրվարյան ավանտյուրայի ժամանակ նրանց օգնություն ցույց տրվեր՝ դիմելով հեղաշրջման միջոցով սովետական իշխանությանը տապալելու համար։

Դեկտեմբերի 2-ին Կասյանը Հայաստանի ռեկոմի դեկլարացիան և իր ողջունը Պարաքիսալի վրայով ուղարկում է Ալեքսանդրապոլ, Կարաբեքիրին։ Դեկտեմբերի 5-ին հայերի այդ դահլճը՝ Կարաբեքիրը, Ռեկոմին տալիս է հետևյալ կեղծավոր պատասխանը.

«Ձեր հեռագիրը մեզ ուրախառիթ լուր բերեց Հայաստանում բանվորա-դյուղադիական հանրապետության և մեծ հորհրդա ին Ռուսաստանի հետ սերտ բարեկամական կապ հաստատելու մասին։ Սույն տարվա դեկտեմբերի 4-ին տված հեռագրով, դուք ցանկություն եք հայտնում Հեղափոխական Հայաստանի և Տաճկաստանի միջև խաղաղության նոր բանակցություններ սկսելու մասին։ Մոտիկ ապագայում կհրապարակվի կոնֆերանս, որտեղ հորհրդային Ռուսաստանի և Հայաստանի ներկայացուցիչների հետ միասին քննության կառնվեն ընդհանրապես կովկասյան խնդիրները»⁵։

Քեմալականները շուտով հրաժարվեցին նաև սրանից։ Բայց ուշագրավն այն է, որ Թուրքական պաշտոնական անձի միմյանց հետևից կեղծ ողջուններ էին հղում սովետական Հայաստանին։ Վրաստանում քեմալական կառավարության ներկայացուցիչ Քյազիմ բեյը հրապարակա ին ավելի որոշակի հայտարարությամբ հանդես եկավ։ ՌՍՖՍՌ մամուլի բյուրոյի ներկայացուցչին տրված պատասխանում նա ասել է. «Մենք համարում ենք Հայաստանում հորհրդային իշխանություն սահմանելը շատ նպաստավոր դեպք... հորհրդային իշխանությունը Հայաստանում մեզ համար ընդունելի կլինի։ Նա մեզ հնարավորություն կտա համաձայնության գալ Անկտրայի և Հայաստանի միջև, նաև հնարավորություն՝ մերձենալ հորհրդային Ռուսաստանին, քանի որ այն վտանգը, որ ներկայացնում էր իրենից դաշնակցական Հայաստանը, կվերացվի»⁶։

Նման «ռեուլուցիոն» հայտարարությունների ու հավաստումների նպատակը մեկն է եղել՝ կեղծ ռեուլուցիոնությամբ արժանանալ սովետական դեկավարների վստահությանը, բթացնել ու կուրացնել սովետական դիվանա-

⁴ Դեկտեմբերյան սոցիալիստական մեծ ռեուլուցիան և սովետական իշխանության հաղթանակը Հայաստանում, էջ 400։

⁵ «Կոմունիստ», № 3, 8 դեկտեմբերի 1920 թ.։

⁶ «Կոմունիստ», № 9, 15 դեկտեմբերի 1920 թ.։

դիտությունը, խաբել հասարակական կարծիքը Սովետական Ռուսաստանում և աշխարհի մյուս երկրներում, հատկապես պայքարի ելնող գաղութային երկրներում և բուն Թուրքիայում:

Մինչև Ռեկոմի երևան հասնելը և նրա առաջին դիվանագիտական զրույցները Կարաբեքիրի հետ, շատերը հավատում էին, որ քեմալականներն իրոք պայքարում են միայն դաշնակներին, որպես Անտանտի գործակալների, պատժե ու համար, որ նրանց հարձակումը Հայաստանում ագրեսիվ նպատակներ չի հետապնդում, որ նրանց միակ նպատակը «հայ ժողովրդին Անտանտի ստորկոթյունից ազատելը և պրոլետարական կարգեր ստեղծելն է», որ այս գործում նրանք ՌՍՖՍՌ-ի դաշնակիցներն են, որ նրանք անհամբեր սպասում են Կարմիր Բանակի Հայաստան և Վրաստան մտնելուն, որպեսզի իրենց թիկունքն ապահովելով կարողանան արևելյան բանակը տեղափոխել արևմտյան ռազմաճակատ՝ «իմպերիալիզմին վերջնական և կործանիչ հարված հասցնելու համար»:

Իրականում քեմալականները Հայաստանում ինչպես սովետական իշխանության հաստատումից առաջ, այնպես էլ նրանից հետո շարունակում էին երիտթուրքերի թշնամական, ջարդարարական, կողոպտիչ քաղաքականությունը. միայն ա ն տարբերությամբ, որ երիտթուրքերն իրենց հայաջինջ քաղաքականությունը փորձում էին արդարացնել: «Գալվաճան հայերին պատժելու» ձգտումով, իսկ քեմալականները՝ «դաշնակներին որպես Անտանտի դաշնակցի պատժելու» և «Հայաստանում բանվորա-դյուղացիական կարգեր» հաստատելու լուղնգներով:

Քեմալականներն իրենց «ռեկոլյուցիոն» ողջույնների տարափի տակ արագորին ու կնքեցին դաշնակների հետ Ալեքսանդրապոլի ստրկացուցիչ պայմանագիրը, որպեսզի դրանով Սովետական Հայաստանի կառավարությանը կանգնեցնեն կատարված փաստի առաջ: Այնուհետև, դրանից անմիջապես հետո, երբ Ռեկոմը դեռ Երևան չէր հասել, սկսեցին ճշալ, թե իրենք չեն կարող վստահել հայ բոլորիկներին, քանի որ նրանք հայ են: Այս պատրվակի տակ էլ սկսեցին թաքցնել Ալեքսանդրապոլից իրենց չհեռանալու իսկական պատճառները:

* * *

Հայաստանում սովետական իշխանության հաստատման մասին Օրջոնիկիձեի նոյեմբերի 29-ի հեռագիրը «տառալուծ ալես նոյեմբերի 30-ին Քաղբյուրոն քննում է հայ-թուրքական հարաբերությունների հարցը և որոշում խաղաղ բանակցությունների միջոցով լուծել դրացի այդ ժողովուրդների տերիտորիալ դավոր վեճը: Քաղբյուրոն նպատակահարմար է գտնում Թուրքիա և Հայաստանի սովետական կառավարության միջև նոր բանակցություններ սկսել՝ Սովետական Ռուսաստանի ակտիվ միջնորդությամբ, սահմանի հարցը որոշել Սովետական Ռուսաստանի մասնակցությամբ, հայ-թուրքական խառը հանձնաժողովի միջոցով, ինչպես նաև կնքել սովետա-թուրքական բարեկամության պայմանագիր:

Դեկտեմբերի 1-ին Կենտկոմից Օրջոնիկիձեին տրվում է հետևյալ հեռագիրը.

«Մենք որոշել ենք համաձայնություն տալ պայմանագիր կնքելու առթիվ: Հանձնաժողով կուղարկենք, Չիչերինի համապատասխան նոտան կտրվի: Պետք է կասեցնել թուրքերի շարժումը Բաթումի վրա, քեմալականները պետք է ճա-

նաչեն Հայաստանի անկախությունը, նրանց առաջիմ վստահել չի կարելի, նրանք մեծ խորամտուններ են, այսպիսին է քաղբյուրոյի որոշումը»⁷։

Նույն օրը Չիչերինը Մդիվանուն հանձնելու համար կեզրանին հղում է հետևյալ հեռագիրը.

«...Մեզ ցանկալի է իմանալ, թուրքական կառավարությունը ստացել է արդյոք Բեքիր Սամիի հետ մեր մշակած պայմանագրի նախագիծը, որը Յուսուֆ Քեմալի հետ ուղարկվել է Անկարա, Թուրքական կառավարությունը դա ընդունելի՞ է համարում և ինչպես է վերաբերվում ան կետերին, որոնք տարածայնություն էին առաջ բերել մեր և Բեքիր Սամիի միջև, որոնց պատճառով վերջինս չկարողացավ որոշում ընդունել»⁸։

Դեկտեմբերի 3-ին Չիչերինը ՌԿ(Բ)Պ Կենտկոմի Քաղբյուրոյին ներկայացնում է Սովետական Հայաստանի վերաբերյալ տարվելիք քաղաքականության մասին առաջարկները.

Նա գրում է, որ Հայաստանում սովետական իշխանության հաստատման կապակցությամբ փոխվել է ողջ իրադրությունը և Մդիվանուն պետք է տալ նոր դիրեկտիվներ.

«Հայաստանի սովետականացումը պահանջում է նոր դիրեկտիվներ տալ Մդիվանուն, եթե մենք Սովետական Հայաստանին դիվանագիտական աջակցություն ցույց չտանք, դա ամենուրեք հիասթափություն կառաջացնի սովետական իշխանության կողմնակիցների մեջ։ Մենք, ցավոք սրտի, մինչև այժմ չգիտենք, թե որոնք են հաշտության թուրքական պայմանները։ Մդիվանին պետք է սանձահարի թուրքերին և չափավորի նրանց պահանջները Հայաստանի նկատմամբ... Թուրքերը մեղնից օգնություն են սպասում ոսկով և զենքով, և մենք այդպիսով նրանց վրա ազդելու հվոր միջոց ունենք։ Պարզ է, որ Անտանտից դեռևս նրանք չեն ստանում, մենք կարող ենք թուրքերին խոստանալ վերսկսել մեր օգնությունը պայմանով, եթե նրանք դուրս գան Հայաստանից...»

Հայաստանի անկախությունը պետք է երաշխավորվի, միաժամանակ մենք առաջվա պես պետք է պնդենք, որ սահմանադժման հարցը տրվի մեր մասնակցությամբ խառը հանձնաժողովի լուծմանը»։

Դեկտեմբերի 4-ին Քաղբյուրոն հանձնարարում է արտաքին գործերի ժողովրդական կոմիսարիատին Մդիվանու համար մշակել նոր դիրեկտիվներ։ Մդիվանու խնդիրը Քաղբյուրոն համարում էր Ալեքսանդրապուլի պայմանագրի չեղյալ հայտարարելը, Թուրքիայի և Սովետական Ռուսաստանի միջև բարեկամության դաշնագրի կնքման համար լրանակցություններ նախապատրաստելը։ Մշակված դիրեկտիվները Օրջոնիկիձեի միջոցով Չիչերինը անմիջապես ուղարկում է Մդիվանուն.

Դեկտեմբերի 4-ին Օրջոնիկիձեն ղեկուցում է Չիչերինին, որ դիրեկտիվները հաղորդվել են Մդիվանուն. «Մդիվանու առաջ իմ կողմից հարց է դրված Հայաստանում սովետական իշխանության հաստատման կապակցությամբ մեր մասնակցությամբ խառը հանձնաժողով ստեղծելու։ Հուսով եմ այսօր պատասխանը ստանալ»⁹։

⁷ Архив ИМЛ, ф. 85, оп. 14, д. 22.

⁸ «Документы внешней политики СССР», т. III. Госполитиздат, 1959, стр. 364—365.

⁹ Архив ИМЛ, ф. 85, оп. 14, д. 49.

Նույն օրը Չիչերինը գրում է Օրջոնիկիձեին. «Հայաստանի սովետականա-
դավար արմատապես փոխում է դրությունը: Այդ հասկանում են թուրքերը: Պետք
է պնդել մեր մասնակցությամբ խառը հանձնաժողովի ստեղծման վրա»¹⁰:

Դեկտեմբերի 4-ին Օրջոնիկիձեն Մդիվանու հաղորդումների հիման վրա
հեռագրում է Մոսկվա, որ քեմալականներն անվստահությամբ են վերաբերվում
հայ կոմունիստներին և մտադիր են շարունակել իրենց հին քաղաքականու-
թյունը:

Դեկտեմբերի 5-ին Չիչերինը քեմալականներին նախազգուշացնելու և հա-
րաբերությունների հետագա բարդացումը կանխելու նպատակով Սովետակ
կառավարության հանձնարարությամբ պահանջում է Մդիվանուց հասկացնել
տալ թուրքերին, որ նման սկիզբը կարող է ունենալ վատ վախճան, ուստի քե-
մալականները պետք է փոխեն իրենց վերաբերմունքը Սովետական Հայաստանի
նկատմամբ:

«...Պետք է պնդել, որ թուրքերը այսուհետև ոչ միայն առաջ չշարժվեն
Հայաստանի տերիտորիայով, այլև հետ քաշեն զորքերը մինչև Արփաշա՝ որը
Կարսի նահանգը բաժանում է մնացած Հայաստանից: Չենք առաքելու մինչև
Հայաստանի հետ տերիտորիալ հարցերի լուծումը Կարսի նահանգում թուրքերի
ժամանակավորապես մնալուն:

Պետք է պնդել հաշտության պայմանների մեղմացման վրա, հատկապես
կոնտրիբուցիայից թուրքերի հրաժարվելու վրա: Շարունակում ենք պնդել, որ
հայ-թուրքական սահմանագծումները հանձնվեն մեր մասնակցությամբ խառն
հանձնաժողովին...»¹¹: Վերջում Չիչերինը նախազգուշացնում էր, որ միայն այս
պա մանների կատարման դեպքում ՌՍՖՍՌ-ի կառավարությունը կհավատա
քեմալականների անկեղծությանը և նրանց ցույց կտա ֆինանսական և ռազ-
մական աջակցություն:

Այդ օրերին ինտենսիվ գրագրություն է տեղի ունենում Օրջոնիկիձեի, Չի-
չերինի, Լեգրանի և Մդիվանու միջև: Կարաբեքիրի նկատմամբ մնալով իր հին
դիրքերում, Մդիվանին դեկտեմբերի 5-ին հիստերիկ հեռագիր է տալիս, որ
սովետական կողմը չպնդի թուրքերի կողմից արվելիք զիջումների վրա, հայ-
թուրքական կոնֆերանս հրավիրելու և Ալեքսանդրապոլի պայմանագիրը վերա-
նայելու վրա: Նա գտնում է, որ թուրքերին պետք է վստահել, վերջ տալ ղենք
բաց թողնելու արգելքին և Նովորոսիյսկում սպասող թուրքական նավերը բար-
ձել ղենքով, շտապեցնել ռուս-թուրքական կոնֆերանսի հրավիրումը Մոսկվա-
յում: Մդիվանին ամեն կերպ աշխատում է համոզել Օրջոնիկիձեին և Չիչերի-
նին, որ նրանք Կարաբեքիրի նկատմամբ վարեն սիրալիր քաղաքականություն՝
Կարաբեքիրին համարելով Սովետական Ռուսաստանի համար ամենաձեռնտու
թուրք մարդը և «Անգլիայի համոզված հակառակորդը»:

Դեկտեմբերի 8-ին Չիչերինը Օրջոնիկիձեին գրում է, որ թուրքերը չեն ցան-
կանում պայմանագիր կնքել հայ կոմունիստների հետ և ասում են, թե բոլոր
հարցերը կորոշվեն Ռուսաստանի հետ, Մոսկվայի բանակցությունների ժամա-
նակ, հայ կոմունիստների մինիմալ մասնակցությամբ. «Ի՞նչ է նշանակում
այդ, ի՞նչ է հայտնում Մդիվանին, դա ձգձգման կամ Հայաստանի Սովետական
կառավարությանը բարոյապես հեղինակազրկելու փորձ չէ՞» արդյոք: Եթե թուր-

¹⁰ Նույն տեղում:

¹¹ Архив ИМЛ, ф. 64, оп. 2, д. 11, л. 279.

քերը մեզ հետ բանակցելու համար ցանկանում են Մոսկվա գալ, թող շուտ գան, բայց Հայաստանին հարկավոր է շուտափույթ խայադուխու տալ, չնայած սահմանագծումների որոշ հարցեր լավ կլինի հետաձգել»:

Նույն օրը պատասխանելով Չիչերինին՝ Օրջոնիկիձեն գրել է. «Խոսքը ոչ թե հաշտության պայմանագիրը կնքելու մասին է, այլ դեկտեմբերի 2-ին Խատիսյանի ստորագրած պայմանագրի վերանայման մասին: Թուրքերը շատ քիչ են վստահում հայ կոմունիստներին, մանավանդ, որ կառավարության կազմում կան այնպիսի մարդիկ, ինչպես Դրոն, որին թուրքերը ուղղակի մատնացույց են անում որպես իրենց ոխերիմ թշնամուն... Եթե նույնիսկ մենք Դրոյին հանենք, միևնույն է, թուրքերը պետք է խոսեն անվստահության մասին...»: Օրջոնիկիձեն հենվելով Մդիվանու հեռագրի վրա, Չիչերինին հայտնում է, որ թուրքերը Հայաստանի սովետական կառավարությանը չեն վարկաբեկի, պատերազմ Սովետական Հայաստանի դեմ չեն սկսի¹²:

Դեկտեմբերի 11-ին ուղիղ գծով կապվելով Չիչերինի հետ՝ Օրջոնիկիձեն նրան հայտնում է, որ արդեն հաղորդվել են Մդիվանուց երկու դեկուցագիր և մեկ ծածկագիր, որոնցում շարադրված է թուրքերի դիրքը. վերջնականորեն հրաժարվում են Հայաստանի սովետական կառավարության հետ բանակցելուց, Ալեքսանդրապոլի պայմանագրի վերանայման մտքից և հա տարարում են, որ բոլոր հարցերը կլուծվեն Մոսկվայի ռուս-թուրքական կոնֆերանսում:

Օրջոնիկիձեն պահանջում է Մդիվանուն լիազորություններ տալ թուրքերի հետ դաշինքի շուրջը բանակցություններ սկսելու:

Չիչերինը դրան չի համաձայնում, ասելով՝ որ դաշինքի պայմանների մասին կիսուսի Մոսկվայում, ուր հավաքված են բոլոր տեղեկությունները: Մդիվանին կարող է միայն արտաքին գործերի ժողովրդական կոմիսարիատի ներկայացուցչի դեր կատարել և այդպիսի մանդատ նրան կուղարկվի:

Մդիվանու հակառակ դիրքից էր գործում Հայաստանում ՌՍՖՍՌ-ի լիազոր ներկայացուցիչ Բ. Լեգրունը: Նա դեկտեմբերի 6-ին Չիչերինին և Օրջոնիկիձենին հղած հեռագրում գրում էր.

«Նկատի ունենալով, որ Կարաբեքիրը համառորեն հրաժարվում է Հայաստանի կառավարության հետ հաշտության բանակցություններ սկսել և նրա այն հայտարարությունը, որ հայկական հարցը ենթակա է հայ կոմունիստների միմալ մասնակցությամբ Մոսկվայում հրավիրվելիք ռուս-թուրքական կոնֆերանսի լուծմանը, անհրաժեշտ է Ձեր հեղինակավոր դիմումը Անկարա ի կառավարությանը՝ Սովետական Ռուսաստանի մասնակցությամբ անհապաղ հայ-թուրքական կոնֆերանս հրավիրելու մասին»¹³:

Դեկտեմբերի 7-ին Լեգրանը Չիչերինին առաջարկում է «...չսպասելով թուրքական պատվիրակության Մոսկվա գալուն՝ շտապ Ալեքսանդրապոլ գործուղել հեղինակավոր մի ընկերոջ, որպեսզի Կարաբեքիրի վրա հնարավոր ճնշում գործադրի»¹⁴:

Լեգրանը խնդրում է Մդիվանուց վերջնականորեն պարզել և հայտնել, թե երբ են թուրքերը դատարկելու Ալեքսանդրապոլը:

¹² Архив ИМЛ, ф. 85, оп. 14, д. 50.

¹³ Նույն տեղում:

¹⁴ Նույն տեղում, ֆ. 64, ց. 2, գ. 11, թ. 273.

Դեկտեմբերի 11-ին Մդիվանին հայտնում է Լեդրանին, որ թուրքերը որոշել են առայժմ Ալեքսանդրապոլը չթողնել, քանի դեռ Հայաստանում սովետական իշխանությունը չի ամրապնդվել և լրացականաչափ կարմիր զորքեր չկան...

Այսպիսով թուրքերն ամեն անգամ մի պատճառ էին հորինում արդարացնելու համար իրենց թշնամական դործողությունները՝ դրանց տալով «ռեկլուցիոն» կերպարանք։ Դաշնակների և Իրոխ հարցը թուրքերը հուլիսում էին դուրս քաղաքական դեմագոգիայի նպատակով։ Քեմալականները ոչ միայն շահագրգռված չէին դաշնակներին մեկուսացնելու հարցում, այլ, ընդհակառակը, իրենք նրանց հետ սերտ կապեր էին ստեղծում՝ Ռեկումին տապալելու նպատակով։

Սովետական Հայաստանում քեմալականների վարած ամբողջ քաղաքականությունը հետապնդում էր այդ նպատակը, որովհետև հասկանալի է, որ դաշնակների իշխանության պայմաններում Հայաստանի հետ հաշիվ տեսնելը նրանց համար ավելի հարմար և հեշտ կլիներ, քան սովետական իշխանության առկայության պայմաններում, որի թիկունքին կանգնած էր Սովետական Ռուսաստանը։

Երբ ժողովրդական Կոմիսարների Սովետին պարզ է դառնում, որ Թուրքիան Ալեքսանդրապոլի պայմանագիրը չեղյալ հայտարարելուց և Հայաստանի ունկնդիր հետ Սովետական Ռուսաստանի միջնորդությամբ բանակցությունների մասին առաջարկներից հրաժարվում է և պնդում Մոսկվայի բանակցությունների վրա, ընդառաջում է թուրքերի ցանկությանը և համաձայնում Մոսկվայում դումարել ուս-թուրքական կոնֆերանս՝ Սովետական Ադրբեջանի և Սովետական Հայաստանի մասնակցությամբ։

Դեկտեմբերի 6-ին Չիչերինը Կենտկոմին գրում է նամակ, որտեղ ասված էր.

«Առաջարկում ենք Կենտկոմին հանձնարարել Արտդործողկոմատին մշակելու Թուրքիայի հետ կնքվելիք պայմանագրի նախագիծ, որի մեջ նախատեսված լինեն երաշխիքներ Վրաստանի և Հայաստանի անկախության վերաբերյալ, Հայաստանի և Թուրքիայի սահմանների որոշումը պետք է կատարվի խառը հանձնաժողովի կողմից մեր մասնակցությամբ, պետք է հաշվի առնվեն ինչպես հայ, այնպես էլ մահմեդական բնակչության էտնոգրաֆիկ պահանջները։ Այնուհետև պայմանագրում պետք է հղվածներ լինեն քաղաքացիների փոխադարձ իրավունքների, ապրանքափոխանակության և այլ հարցերի մասին, որոնք արդեն մշակված են թուրքական ներկայացուցիչ Բեքիր Սամիի հետ՝ նրա Մոսկվայում գտնված ժամանակ»։

Այդ առթիվ Չիչերինի ստորագրությամբ Անկարայի կառավարությանն ուղարկված նոտայում պահանջվում էր Սովետական Հայաստանի մասնակցությունը կոնֆերանսին, քանի որ կոնֆերանսը պետք է քննարկի Հայաստանի արմատական շահերը շոշափող հարցեր.

«Ռուսաստանի Սովետական կառավարությունը, ստանալով թուրքական կառավարության առաջարկությունը Մոսկվայի կոնֆերանսի մասին ուրախությամբ ընդունում է այդ նախաձեռնությունը և միաժամանակ անհրաժեշտ է համարում Հայկական և Ադրբեջանական Սովետական կառավարությունների ներկայացուցիչների ներկայությունը, քանի որ այդ պետությունների, Թուր-

քիայի և Ռուսաստանի միջև պետք է լուծման ենթարկվեն տերիտորիալ և այլ հարցեր»¹⁶։

Օրջոնիկիձեն կապվելով Լեզրանի հետ՝ հարցնում է թուրքերի դիրքի և Մդիվանու վարքագծի մասին, հաղորդում Ջիչերինի վերոհիշյալ նոտան, հանձնարարում նախապատրաստել Մոսկվայի կոնֆերանսին հայկական պատվիրակության մասնակցությունը։

Ջիչերինի վերջին խոսքերն ամբողջապես ուղղված են քննադատական կառավարության թշնամական այն քաղաքականության դեմ, որ նա իրագործում էր Հայաստանի օկուպացված շրջաններում և Ալեքսանդրապոլի պայմանագրի ուժով ձգտում էր կիրառել նաև Մովստական Հայաստանում։

Մեր նպատակը չէ լուսարանել Մոսկվայի կոնֆերանսի ընթացքը, սակայն հարկ ենք համարում նշել, որ շնայած Հայաստանի կառավարության պատվիրակութունը Ալեքսանդր Բեկդադյանի գլխավորությամբ ժամանեց Մոսկվա, բայց նա կոնֆերանսին մասնակցելու հնարավորություն չունեցավ։ Թուրքական պատվիրակությունը հրաժարվեց մեկ սեղանի շուրջը նստել նրա հետ, պատճառաբանելով, որ մտադիր չէ Ալեքսանդրապոլի պայմանագիրը վերանայել, որովհետև Վրացյանը, որը Նրևսումում դաշնակների փետրվար ան հեղաշրջման հետևանքով գտնվում էր իշխանության գլուխ, հեռագրել էր, թե Հայաստանի հարցը ենթակա չէ Մոսկվայի կոնֆերանսի քննարկմանը և, որ «Հայրենիքի փրկության կոմիտեն» կանդնած է Ալեքսանդրապոլի պայմանագիրը պաշտանելու դիրքերում։

Այսպիսով, Մոսկվայի կոնֆերանսը կայացավ Մովստական Հայաստանի համար անբարենպաստ պայմաններում և Մովստական Ռուսաստանի կառավարությունը զրկվեց իրավական հնարավորությունից՝ հայ-թուրքական հարաբերությունները կարգավորելու այնպես, ինչպես այն նախագծվում էր Դաշնակները մի ծառայություն ևս մատուցեցին Թուրքիային։

* * *

Թուրքական վավթիչներից Ալեքսանդրապոլի ադատադրման հարցը ծառացավ Հայաստանում սովետական իշխանության հաստատման օրն իսկ։ Դա Հայաստանում սովետական իշխանության ամրապնդման պայմանն էր։ Ալեքսանդրապոլում էր գտնվում Հայաստանի երկաթուղային միակ ղեկուն՝ Նրևանը արտաքին աշխարհի հետ կապող միակ երկաթուղային հանգույցը։

1921 թվականի մարտի 16-ին ՌՍՖՍՌ-ի և Թուրքիայի միջև կնքված բանկամության պայմանագրի համաձայն թուրքերն անհապաղ պետք է ազատեին Ալեքսանդրապոլը։ Սակայն նրանք նենդարար ձգտում էին դանադան պատրվակներով ձախողել այդ պայմանագիրը և ամրապնդել իրենց դիրքը, հենվելով Ալեքսանդրապոլի կողոպտիչ պայմանագրի վրա։ Փետրվարյան սովետյուրայի ժամանակ թուրքերը դա բացատրում էին դաշնակների իշխանության գլուխ գտնվելով, որ նրանք վտանգ են սպառնում Թուրքիայի անկախութանը։ Մինչդեռ պարզ էր, որ թուրքերը Ալեքսանդրապոլում իրենց գտնվելը օգտադործեցին Մովստական Հայաստանը բլուկադայի ենթարկելու և բնակչությանը սովի մատնելու միջոցով տապալել սովետական իշխանությունը և վերականգնել դաշնակների արդարահատելի ուժիմը, որպեսզի վկա-

¹⁶ Архив ИМЛ, ф. 85, оп. 14, д. 51, л. 10.

յակոչելով դաշնակների վտանգը, մնան Ալեքսանդրապոլում: Այդպես էլ նրանք վարվեցին, համոզված լինելով, որ Սովետական Ռուսաստանը զրվելով կատարված փաստի առաջ՝ ուժի չի դիմի:

Փետրվարյան ամանությունների ջախջախումից հետո, թուրքերն այլևս պատրվակ չունեին և նրանց առաջարկվեց Մոսկվայի պայմանագրի համաձայն անհապաղ ազատել Ալեքսանդրապոլը:

1921 թվականի ապրիլի 6-ին Գ. Վ. Չիչերինը ՌՍՖՍՌ-ում Թուրքիայի դեսպան Ալի Ֆուադին գրել է.

«Պարոն դեսպան,

Մենք տեղեկություններ ենք ստացել այն մասին, որ կոմունիստները ապրիլի 2-ին կրկին զբաղվել են Երևանը և որ կոմունիստների կողմից հետապնդվող հակառակություն դաշնակների այնտեղ գտնվող մնացորդները փախել են Զանգեզուր, որտեղ նրանց ուժերը շուտով լիովին կզաղարեն գոյություն ունեւալուց: Քանի որ Ալեքսանդրապոլի և Երևանի ամբողջ շրջանը կրկին Հայկական Սովետական կառավարության ձեռքին է գտնվում, հասել է թուրքական զորքերի սահմանի այն կողմն անցնելու ժամանակը, որ սահմանված է Մոսկվայի պայմանագրով, և մենք հաստատ հույս ունենք Ձեզանից շտապ պատասխան ստանալու այն մասին, որ Հայկական տերիտորիայից թուրքական զորքերի էվակուացիոն ավարտված է»¹⁷:

Ալի Ֆուադը ապրիլի 7-ին Չիչերինին ներկայացնում է հետևյալ պատասխանը.

«...Ես շատ ուրախ եմ իմանալու, որ Երևան քաղաքը կոմունիստների կողմից կրկին զբաղված է 1921 թվականի ապրիլի 2-ին և որ Զանգեզուրի լեռներում թաքնված հակառակությունները շուտով ոչնչացվելու են: Ես շատ ուրախ եմ, որ Հայաստանում այդպիսով անհետացել են իդեալները և պարտիաները, որոնք կույր գործիք էին իմպերիալիստների ձեռքին: Ես իմ կառավարությանը հաղորդել եմ Ալեքսանդրապոլ քաղաքը այդ նոր իրադրության կապակցությամբ դատարկելու փերարկյալ ձեր ցանկությունը: Քանի որ հակառակությունների գործունեությունը, որոնք ամբողջ ժամանակ հարկադրում էին մեզ մեր Արևելյան ռազմաճակատում ռազմական միջոցներ ձեռնարկել, գտնվում են իրենց անհետացման կզրին, Ալեքսանդրապոլ քաղաքը, որ Ալեքսանդրապոլի և Մոսկվայի պայմանագրերով թողնված է Հայաստանին և գտնվում է մեր օկուպացիոն գոտում գոտ ռազմական նկատառումներով, որոնք կապված էին Հայկական հակառակությունների հետ, ինչպես ևս հուսով եմ, կէվակուացվի այնքան շուտ, որքան հնարավորություն կտան հանդամանքները»¹⁸:

Ալի Ֆուադի այս փարիսեցիությունը մերկացվում է Կարաբեքիր փաշայի սպանակից հայտարարությամբ.

Թուրքիա ի Արևելյան րանակի հրամանատար Քյալիմ Կարաբեքիրը հրաժարվելով զորքերը դուրս հանել Ալեքսանդրապոլից լիտիարար պատերազմ է սպանում Սովետական Հայաստանին հայտարարելով, որ միայն զենքի ուժով կարող են տեղից շարժել թուրքական զորքերին և, որ ինքը չի ճանաչում Մոսկվայի դաշնագիրը: Այդ մասին Սրջոնիկիձեն անհապաղ հայտնում է Գ. Վ. Չի-

¹⁷ Հոկտեմբերյան սոցիալիստական մեծ ուղյուղիան և սովետական իշխանության հաղթանակը Հայաստանում, էջ 510—511:

¹⁸ «Документы внешней политики СССР», т. IV, стр. 49.

չերինին: Չիչերինը ապրիլի 6-ին Օրջոնիկիձեին գրում է. «Այլի ֆուադը ինձ խոստացել է անհատապես ազատել Ալեքսանդրապոլը: Նրան խելոյն եկի Հադուր-դում ես՝ Կարաբեքիբի խուլիդանություն մասին՝ մատնանշելով, որ Քուրբիայի և Սովետական Հայաստանի միջև պատերազմը կնշանակի պատերազմ Քուրբիայի և Սովետական Ռուսաստանի միջև»¹⁹:

Կարաբեքիբի խուլիդանությունը պատահական չէր, ոչ էլ պետական գործչի անպատասխանատու հայտարարություն, այլ պետական քաղաքականության զրահներում Այդ օրերին Քուրբիայի կառավարական շրջաններում ՌԱՖԱ-ի գեմ սպառնալիքի, շանտաժի և պրովոկացիաների մի ա իք է բարձրանում: Ամենից բարձր ազմկում էին ռազմական գործիչները:

Քուրբիայի ռազմական միևիտոր Քեմալ Ֆեվիի փաշան հայտարարել էր, որ Արևելյան ռազմաճակատի թուրքական բանակը մնալով Կովկասում, պետք է այնտեղ կատարի հավասարակշռություն պահպանելու գեր: Չիչերինը ապրիլի 8-ին Քուրբիայի գեմտան Այի ֆուադին այդ հայտարարություն մասին գրել է. «...Ինձ համար զմար է հասկանալ, թե Արևելյան ռազմաճակատի թուրքական բանակը ուրիշ ինչ ռազմական ուժի գեմ է նախատարատությամբ հանդես գալու՝ Կովկասում հավասարակշռությունը պահպանելու համար: Քանի որ այդ շրջանում մյուս միակ ռազմական ուժը Սովետական ռեսպուբլիկաների միավորված Կարմիր Բանակն է, հետևություն է արվում, որ ռազմական միևիտորի կարծիքով, թուրքական բանակը պետք է հանդիսանա մի տարր, որը թշնամի է սովետական ուժերին և նպատակ ունի հակակշիռ ուժ հանդիսանալ նրանց ռազմական հզորությունը: Ինձ չափազանց տարօրինակ է թվում, որ մեր միջև Մոսկվայի պայմանագրի կնքումից հետո, մի պայմանագիր, որով ստույգ որոշված են թուրքական և սովետական ռազմական ուժերի իշխանությունների առհամաները, Քուրբիայի ռազմական միևիտորը թուրքական զորքերի վրա խնդիր է դնում կատարելու մի գեր, որը թշնամական է սովետական գինված ուժերի հանդեպ»²⁰:

Չիչերինը մերկացնում է թուրքական ազդեցությունների բացահայտ թշնամությունը ոչ միայն Սովետական Հայաստանի, այլև ՌԱՖԱ-ի նկատմամբ: Անդրադատնալով Ալեքսանդրապոլի պայմանագրին, նա գրում է. «Ես ինձ թույլ եմ տալիս Ձեզ հիշեցնել, որ Ալեքսանդրապոլի պայմանագիրը կնքվել է դաշնակցական կառավարության կողմից այն պահին, երբ արդեն հռչակված էր Հայաստանի Սովետական կառավարություն և որ դա ռատիֆիկացված չէ, թեպետև, ըստ այդ պայմանագրի տերտի, դա գործողության մեջ գնելու պայմանը հանդիսանում էր ռատիֆիկացիան մեկ ամսում: Ես չեմ կարծիք մի կողմ թողնենք այդ նկատատումը, ապա Ալեքսանդրապոլի պայմանագրի բոլոր հիմնական դրույթները մասամբ վերացված են Մոսկվայի պայմանագրով, մասամբ Սովետական Ռուսաստանի բացարձակ և լիակատար սովերենիտետի պահպանման վերաբերյալ երկու պատվիրակությունների հայտարարություններով: Ալեքսանդրապոլի պայմանագրի կատարումը ցանկալի հավասարադրել է Մոսկվայի պայմանագրի վերացմանը»²¹:

¹⁹ Հոկտեմբերյան սոցիալիստական մեծ ռեվոլյուցիան և սովետական իշխանության հաղթանակը Հայաստանում, էջ 511:

²⁰ Նույն տեղում, էջ 513:

²¹ Նույն տեղում, էջ 515:

Այդ նույն նոտայում Չիչերինը պահանջում է Թուրքիայի կառավարությունից տալ պարզաբանում ռազմական մինիստրի հայտարարության առթիվ և կրկին խնդիր է դնում թուրքական զորքերը անհապաղ հանել Ալեքսանդրապոլից։

Ապրիլի 8-ին Չիչերինը Օրջոնիկիձեի միջոցով Անկարա է հղում հետևյալ հեռագիրը. «Նկատի ունենալով կոմունիստների կողմից Երևանի գրավումը, անհրաժեշտ է անհապաղ կենսադործել Մոսկվայի կոնֆերանսում ընդունված նոր սահմանները և մասնավորապես, անհրաժեշտ է Ալեքսանդրապոլն անհապաղ ազատել թուրքերից։ Մեր անունից կտրական բողոք հայտնեցեք Կարաբեքիր փաշայի այն հայտարարության դեմ, թե նա չի ցանկանում ազատել Ալեքսանդրապոլը և ազգային Մեծ ժողովի կառավարությանը հաղորդեցեք, որ մենք վճռականապես պնդում ենք, որ թուրքական զորքերը անհապաղ հեռանան Մոսկվայում որոշված սահմանից այն կողմը։ Մատնանշեք այն բանը, թե ինչ ճակատագրական հետևանքներ կարող է ունենալ թուրքական զորքերի ընդհատումը կարմիր բանակային զորամասերի հետ, այլև այն, որ բոլոր սովետական ռեսպուբլիկաները սերտ ու անխախտելի դաշինքի մեջ են Սովետական Ռուսաստանի հետ»²²։

Կենտրոնական Կոմիտեն 1921 թվականի ապրիլի 9-ի հեռագրով Օրջոնիկիձեին հանձնարարում է ձեռնարկել բոլոր միջոցները Ալեքսանդրապոլն ազատագրելու համար։

Ապրիլի 13-ին բանակցություններ են տեղի ունենում Օրջոնիկիձեի և Մոսկվայից վերադարձող Յուսուֆ Քեմալի միջև Ալեքսանդրապոլը և զավառ թուրքական զորքերից դատարկելու վերաբերյալ։ Օրջոնիկիձեն թուրքական ներկայացուցչի հետ ունեցած զրույցի ժամանակ ասել է. «Մենք հազար անգամ հայտարարել և հայտարարում ենք, որ ղեկավարների 2-ին կնքված Ալեքսանդրապոլյան պայմանագիրը չենք ճանաչել և չենք ճանաչում»։

1921 թվականի ապրիլին Օրջոնիկիձեի հանձնարարությամբ Գեկկերը և Էլիավան լինում են Ալեքսանդրապոլում և թուրքական հրամանատարությունից պահանջում են զորքերը անհապաղ դուրս բերել Ալեքսանդրապոլից և նրա շրջանից։

Երբ թուրքական ներկայացուցիչները Ղարաբիլիսայում Երևանից վերադարձող Օրջոնիկիձեի հետ ցանկանում են տեսակցություն ունենալ և բացատրություններ տալ, նա կտրականապես հայտարարում է. «Քանի դեռ թուրքական վերջին ասկերը չի հեռացել Ալեքսանդրապոլից, ես ձեզ հետ չեմ խոսելու»։

Սովետական կառավարության պնդումներից և սպառնալից նախազգուշացումներից հետո թուրքերը տեսան և համոզվեցին, որ իրենց համառումը կարող է պատերազմական կոնֆլիկտ առաջացնել, ուստի և հարկադրված եղան իրենց զորքերը հանել Ալեքսանդրապոլից և կատարել Մոսկվայի պայմանագրի այդ կետը։

Կովկասյան բանակի Ռազմա-ոկուլյուցիոն խորհրդի կողմից սովետական զորքերի մուտքը Ալեքսանդրապոլ նշանակվեց ապրիլի 22-ը։

Ապրիլի 21-ին Երևանյան զորախմբի հրամանատար Մ. Դ. Վելիկոսնովը ստորագրում է հետևյալ հրամանը. Համաձայն Մոսկվայի պայմանագրի, թուրքական զորքերը ս/թ. ապրիլի 22-ին մաքրում են Ալեքսանդրապոլը 11-րդ

²² Հոկտեմբերյան սոցիալիստական մեծ ուղյուցիան և սովետական իշխանության հաղթանակը Հայաստանում, էջ 513։

րանակի հրամանատարը իր ղեկավարության տակ գտնվող զորամասերին հրամայել է մեկ բրիգադայով մտնել Ալեքսանդրապոլ քաղաքը և ընդունել Թուրքիայի հետ սահմանի սալադալանությունը:

Ապրիլի 22-ին 60-րդ բրիգադան հրամանատար Տիխոմիրովի ղեկավարությամբ Թուրքական հեռացող զորքերին կրակակոխ մտնում է Ալեքսանդրապոլ:

1921 թվականի ապրիլի 22-ը Ալեքսանդրապոլի ազատագրման օրն է: Դա երջանիկ օր է հայ ժողովրդի համար: Լենինականի փրկության օրը զուգահիշվում է Լենինի ծննդին:

Դա պատահական զուգահիշություն չէ: Լենինի հոգատարությամբ և նրա մեծ ջանքերով փրկվեց այն հողակտորը, որի վրա այսօր կառուցվում և բարգավաճում է մեր Լենինականը, Հայաստանի երկրորդ քաղաքը:

Ան ամբողջովին ավերակի էր վերածված, երբ այնտեղ ոտք դրին սովետական զորքերը: Թուրքերը Ալեքսանդրապոլում եղել էին 6 ամիս, բայց այդ կարճ ժամանակամիջոցում նրանք ավերել և կողոպտել էին քաղաքը, դատարկել նրա պահեստները, տարել ամբողջ ունեցվածքը:

Երբ Կարմիր Բանակի զորամասերը մտնում են քաղաքը և տեղավորվում Ալեքսանդրապոլի զորանոցներում, տեսնում են, որ զորանոցները լրիվ դատարկված են:

«Ես երբեք այդպիսի սարսափելի պատկերներ չեմ տեսել, որպիսիք Ալեքսանդրապոլում էին և դրանք բոլորը Թուրքական բանակի տիրապետության հետևանքներն էին»²³, գրել է 20-րդ դիվիզիայի քաղաշխատող Մ. Վ. Խարլամովը Ալեքսանդրապոլ մտնելու պահին:

Թուրքական զավթիչները մեծ ավերածություն էին պատճառել ոչ միայն քաղաքին, նրա հիմնարկներին, այլև ռազմական օբյեկտներին: Այդ մասին Զիչերինը 1921 թ. մայիսի 13-ին Ալի Ֆուադին գրել է.

«Ռուսաստանի կառավարությունը Կովկասի իր ռազմական իշխանությունների կողմից իրազեկ է դարձված այն մասին, որ Թուրքական զորքերը, էվալուացնելով Ալեքսանդրապոլը նյութական մեծ վնաս են պատճառել Ռուսաստանի ռեսպուբլիկայի միավորված բանակներին և անդրկովկասյան ռեսպուբլիկաներին, այդ թվում նրանք պայթեցրել են աղբյուրներին և քանդակներին պատկանող վառարկի պահեստները, որ չափազանց մեծ կորուստ է և որի դրամարը դեռևս հաշված չէ: Ռուսաստանի կառավարությունը վճռականապես բողոքում է բարեկամական երկրի ռազմական իշխանությունների թշնամական գործողությունների դեմ: Այդ գործողությունները նրա մեջ առավել ևս զարմանք են առաջացնում, որ դրանք կատարվում են նույն այն պահին, երբ Ռուսաստանի կառավարությունը բարեկամական Ազգային մեծ ժողովի կառավարությանը ցույց է տալիս անամբողջ օգնությունը, որպիսին նա ի վիճակի է ցույց տալ:

Ռուսաստանի կառավարությունը իրեն իրավունք է վերապահում անդրադառնալ այդ հարցին, երբ նա իր ռազմական գերատեսչություններից կատանալով մանրամասն տեղեկություններ»²⁴:

Փլատակների վերածված և կողոպտված Ալեքսանդրապոլը կոմունիստական պարտիայի հոգատարության շնորհիվ հասել է մեծագույն հաջողությունների:

²³ Հոկտեմբերյան սոցիալիստական մեծ ռևոլյուցիան և սովետական իշխանության հաղթանակը Հայաստանում, էջ 526—527:

²⁴ «Документы внешней политики СССР», т. IV, стр. 123.